



**mali
Kaj**
v Zelini

**Da je meni
drevo biti**



 mali
Kaj
v Zelini

Da je meni drevo biti

37. SMOTRA
DJEČJEG KAJKAVSKOG
PJESNIŠTVA
“DRAGUTIN DOMJANIĆ”
- SV. IVAN ZELINA 2017.

Priredio
Dr. sc. Ivo Kalinski

Sveti Ivan Zelina,
listopad 2017.

Mala biblioteka
»Dragutin Domjanić«
knjiga 88.

Nakladnik

Pučko otvoreno učilište Sv. Ivan Zelina

Za nakladnika

Ivica Kukovačec

Urednik

Dr. sc. Ivo Kalinski

Naslov zbirke

prema naslovu pjesme Klaudie Bedeković

Likovni sadržaj

učenici osnovnih škola sudionica Smotre

Likovni urednik

Danko Merin

Grafičko-tehnička priprema

POU Sv. Ivan Zelina

Tiskano u 500 primjeraka

Tisak: Tiskara »Zelina« d.d.

CIP zapis dostupan u računalnom katalogu Nacionalne i
sveučilišne knjižnice u Zagrebu pod brojem 000975555.

ISBN: 978-953-6540-75-4



37. Smotra
dječjega kajkavskoga pjesništva
»Dragutin Domjanić«
- Sv. Ivan Zelina 2017.

Na poziv Pučkog otvorenog učilišta Sv. Ivan Zelina za sudjelovanje na 37. Smotri dječjega kajkavskog pjesništva »Dragutin Domjanić« – Sv. Ivan Zelina 2017. odazvale su se 92 osnovne škole s ukupno 523 učenička rada. Ocjenjivačko povjerenstvo u sastavu dr. sc. Ivo Kalinski (predsjednik), prof. dr. sc. Joža Skok i dr. sc. Božica Pažur za objavu u ovoj zbirci odabralo je 78 radova od kojih je 30 predloženo za javnu izvedbu na završnom događanju Smotre 21. listopada 2017. u Sv. Ivanu Zelini.

Kazalo

Riječi urednika

Ivo Kalinski:

Spontanost izričaja

IX

Da je meni drevo biti*

Veter

Emina Ajhler: Barbika	13
Luka Andrašec: Kuruzna zlevanjka	14
Mateo Bačanek: Moje Zagorje	15
Ana Banovec: V busu	16
Katija Barić: Negda i denes	17
Karla Bartolec: Mačuhica	18
Leon Bašić: Cirkva	19
Klaudia Bedeković: Da je meni drevo biti	20
Magdalena Blagec: Veter	21
Viktorija Crnić: Kvočka	22
Gloria Crnković: Jesen va mojin kraji	23
Klara Cvetković: Moj Vrapčak	24
Ela Cvitković: Kak sam došla na svet?	25
Elena Cvrtila: Moji bregi	26
Petra Čleković: Moji mamek i tatek	27
Helena Dolovčak: Kumavina	28
Ana Dubovečak: Moti	30

Patricia Dvorski: Ne znam kaj da napišem	31
Paula Đurkin: Borek spod mojega bloka	32
Leona Falčević: Kam to ideju farbe v kmici	33
Arijan Flegar: Črleni beciklin	34
Doroteja Franjo: Kmica	35
Antonia Golub: More	36
Anamarija Hanžek: Črna nuoč	37
Laura Hasnek: Kaj nisam fletna deklica?	38
Željka Hazulin: Mali miš	39

Sedim na obluku

Hana Hodalić: Išla sem v gorice	43
Simon Hrvoić: Vesel sem	44
Maja Hudjek: Rastanek z lastami	45
Tara Jambrović: Reči	46
Viktorija Jandri: Tak živi moja baka	47
Lovro Jantol: Osmeh	48
Jana Juršić: Crni pevec	49
Karla Kamenjašević: Stari plot	50
Matija Klemenčić: Zojec	51
Jan Kocet: Pajdaši	52
Tea Kocman: Sedim na obluku	53
Dario Kolman: Igročke	54
Ivan Kovačić: Moj vrt	55
Franjo Kranjec: Cucek	56
Nikolina Kreklec: Neposlušni ljudi	57
Stella Krupička: Jesen	58
Jana Krušelj: Kak diši moja mati	59
Adam Lušić: Dečec i dekla	60
Matia Ljubić: Ben	61
Melani Macan: Stara klet	62
Mario Maćešić: Živo srebro	63
Nika Maltarić: Poštar Kvakan	64

Manuela Mašić: Oblaki letiju, letiju	65
Ivona Međimurec: Dežd	66
Nina Nemet: Deda Tinček	67
Ivona Obadić: Kaj	68

Žuati sen

Antonio Petak: Moje Zagorje	71
Petra Petrunić: Obed	72
Ana Pintarić: Nebo	73
Vanja Poslon: Popoldan	74
Petra Požgaj: Zima	75
Maja Profeta: Priroda	76
Jakov Salajpal: Kmica	77
Monika Sekovanić: Nešče bu došel	78
Marija Elena Senjan: Kej se doma dela	79
Ivana Siročić: Jesenjska igrača	80
Katja Skušić: Mesec	81
Anja Slavinić: Drovski čon	82
Mia Šalja: Prabaka Rozika	84
Klara Šarlog: Moj brieg	85
Isabela Turk: Dež	86
Maria Uršić: Tan kej...	87
Ana Vergot: Saki dan ja van izajdem	88
Martina Vidoš: V zrcalu vidim...	89
Mia Vranješ: Bicikl	90
Patrik Vrban: Pred hižu	91
Laura Vukešin: Žuati sen	92
Dino Zajec: Kaj si delal va školi?	93
Zita Zamuda: Pitala sam mamo	94
Nina Zbašnik: Kmale bu zima	95
Sara Zvonar: Kockavica	96
Martina Žugec: V duši mi rožica	97

Kazalo autora likovnih priloga u zbirci	98
Osnovne škole koje su se odazvale na natječaj	99

*Pjesame u zbirci poredane su abecednim slijedom autora/autorica.

Spontanost izričaja

Prisutnost spontanosti u naših najmlađih pjesnika/pjesnikinja školaraca osnovnih škola kajkavskoga govornog područja, dakako ne u svih - neprocjenjiva je, osobito onih od prvog do četvrtog razreda kad je ta spontanost najizrazitija. Tako će običan *domaći vrt* s najosnovnijim opisnim podacima našeg pjesnika: *drač, paradajz, paprika, tikve, šalata, vrapci, krti* itd. - najneposrednije, bez imalo "filozofiranja" odraslih, bez nasilnog rimovanja ondje gdje bi se u organizaciji stihova to inače očekivalo, bez opsjednutosti "velikim" temama i "velikim" motivima, bez natruha neobičnih "drugih" pogleda - osim svojih, vlastitih - takvo će najjednostavnije stihovanje naših najmlađih pokazati gotovo zastrašujući otklon od, možemo ih tako zvati, suvremenih/modernih pjesničkih misli. Ipak, i toga ima. Teško se naime oteti dojmu, kad je tako, kako u stanovitom "modemom friziranju stihova" možda pripomažu, tu i tamo, i sami učitelji/nastavnici/profesori, možda i roditeljska i uopće životna sredina. Napose životna sredina; u onaj negdašnji skoro idilični seoski način života danomice smo svjedoci sve većem i bezobzirnijem prodoru svakovrsnih konzumerizama koji vrebaju sa strane i koji sve živo iz dana udan "izjedaju" pred sobom.

Lako je ustanoviti kako se unatoč svemu sjedne strane s puno ljubavi i napora naših učitelja, nastavnika i mentora literarnih družina u izvannastavnim aktivnostima njeguju i čuvaju vrijednosti baščine, naprimjer kajkavštine - i ne samo kajkavštine, koja nas i ove godine svojim pjesničkim radovima vrlo obdaruje s više od pet stotina pjesničkih radova, a s druge se strane te i takve vrijednosti danomice zatiru!? Splet životnih silnica? No kajkavski se izričaj sa svim

svojim varijacijama uz matičnu književnost i dalje hrabro i čvrsto drži, štoviše broj se škola i učenika sudionika najmlađeg kajkavskog pjesništva iz godine u godinu povećava.

U osnovaca od petog do osmog razreda, kako u kojih - sigurno ne u svih, poetsko je tkivo razbarušenije. Ali nije bizarno. Forma je, što je i očekivati, kultiviranija, "s razrađenijom" inspiracijom i detaljnijim opisom (*Mačuhica; Vduši mi rožica*, itd.), razumljivo. Ako se stih i dotiče "običnih" stvari (*Pred hižu; Hiža*; itd./), krajolika (*Kmale bu zima, Priroda, Moje Zagorje*), stvarni se i fiktivni prostor fleksibilno nadopunjuju (*Nebo; Moj breg; Oblok*; itd.).

U nekih, doduše rijetkih autora, izravno se uspostavlja "prekid", kuša se uspostaviti želja da se bude nešto drugo, nešto izvan vlastitoga tijela, nešto upravljano izvan vlastitoga tijela. Ipak, pitanje je tko će biti počinitelj promjene identiteta, tko će, što će i kako reciklirati i s kojim promjenama život u nekom novom obliku? (*Da je meni drvo biti*).

Iako mnoge pjesme i inače estetski odskaču - ne radi se dakako o "antologijskim" pjesmama; najveći dio brizi ipak se usmjeruje na leksik.

Premda neočekivano, u petstotinjak pjesama ove godine, tu i tamo nazire se čak i groteska, pomalo hrapava, pomalo površinska, ali iskrena. Primijetiti je, mnoge pjesme naših najmlađih pjesnika kajkavaca odišu "tužnim" tonom, a tek ih je nekoliko "veselih" (*Pajdaši; Zojec*, itd.). Taman da nas odrasle zagolicaju.

Osjećaji, bilo oni natopljeni ljubavlju prema rodnom kraju, bilo oni "načeti" svakojakim nedoumicama, jednako tako u toj dobi stihom raspoređuju prve ljubavi, žudnje, ali također zapažaju i bilježe mnoge sociološke probleme. Nadajmo se, kao dalji put, da će najmlađi kajkavski poetuši i poetese "uza svu svoju poetsku hrabrost" i ubuduće uz blage kantilene davati pred nas ne samo dijagnoze nego i terapije kako da se stare društvene infektivne bolesti i opacine izoliraju.

Ivo Kalinski



Veter

Emina Ajhler

8. razred, OŠ Šemovec

Voditeljica: Maja Vitković

Barbika

*I*maj plave oči!
Zelene niš ne valjaju.
Imaj plave lasi!
Smeđe su dosadne.
Nej jesti!
Mršave puce živiju od zraka.
Zima ti je?
Sikak si šoseka bleči!
Hlače su za obične puce.
Šminku si kupi!
Z njom si lepša.
Budi kak barbika.
Šuti, sedi i buj lepa!
Jedino takvu te svet voli.

Luka Andrašec

7. razred, OŠ Podturen

Voditeljica: Tajana Gašparić

Kuruzna zlevanjka

*J*esenski dnevi se so duži i duži,
moji mami kaj da speče po glavi kruži.

Nekaj bi zavordati štela,
makar nam veli:

*„Si ste debeli, ne bi baš smela,
ali bi si i ja nekaj slatkoga pojela.“*

I kaj pak...

kuruzna mela se več važe,
pečnica dela i zlevanjka se zdiže...

V topli kuhnji se več deši!

Još samo mleko kaj se stopi dok se zlevanjka speče...

Nek onda nešči reče da ju vročo

slatko

domočo neče!

Mateo Bačaneč

2. razred, OŠ D. Domjanića, Sv. Ivan Zelina - PŠ Prepolno
Voditeljica: Ana Poldrugač

Moje Zagorje

*T*am de sam rođen, de je moja mati živela,
tam su si moji prijatelji i moje življenje.

Tam navek sunce sveti,
kuruza se žuti, a trava zeleni.

Stare su hiže drvene,
a ded i babica vane sediju i v nebe glediju.
Stara mati cvetje sadi i stari tatek kuruzu sadi.

V mojem Zagorju navek je srečnih ljudi i pune veselja!

Ana Banovec

4. razred, OŠ Dragutina Domjanića, Sv. Ivan Zelina
Voditeljica: Željka Peras

V busu

V busu si kričiju
jer ih vučitelke ne vidiju.
Neteri lupleju, neteri se rijeveleju,
neteri gluposti spodelavaju.
V ovom busu i smetja moreš najti,
če ti se posreči vu njega zajti.
A jaden šofier, dober,
neče prigovarjati.
Koj vriedi?
Nigduo ga neće poslušati.
Meni naviek plusne rouku za „daj pet“.
I onda me pomučko pela
v muoj mali selski sviet.



Katija Barić

3. razred, OŠ Hodošan

Voditeljica: Anastazija A. Balent

Negda i denes

*P*ripovedala mi moja babica
kak se negda kruh doma pekel
i nikaj ga se ne hitalo,
a da bi se štel jesti
japu se za to pitalo.

Vjutro zaran se cvrtje pojelo
i išlo se do polneva na delo.
Mošča kosana
i z tiblice meso
jelo se samo za svetek.
Ostonjki ga ne bilo,
a post je bil skoro saki petek.

Denes pak se
tri fele beda kuhaju.
Si se koli špohreta
kak masteršefi movaju.
Potem pak se samo z rokom odmaše
jer nikomu nikaj ne paše.
Saki se v svojo sobu odsmica,
a na kraju se dopelja z restorana pica.

Karla Bartolec

7. razred, OŠ Novi Marof

Voditeljica: Sunčica Križan-Kadi, prof.

Mačuhica

*S*red vrta raste
mloda, lepa,
soncem osvetlena,
bela mačuhica.

Naj oditi,
naj se posušiti!

V bistrone potoku
tvoja senca se nalukavle.
okoli tebe ftiček letiju,
a črlene črešnje dišiju.

Na klopi
vu hladu
store te joči glediju
pre nek zanavek zaspiju.

Leon Bašić

3. razred, OŠ Pokupsko

Voditeljica: Jasminka Podlejan

Cirkva

Cirkva se zdaleka vidi,
trošna je i stara.
Leta i leta tu stoji,
iza nje grobje čuči.

Puno je tuge i cvetja.
Narod pobožni vu nju dohaja,
i pri oltaru kleči,
a zvono z nje zvoni, zvoni, zvoni.

Klaudia Bedeković

4. razred, OŠ Velika Mlaka - PŠ Mičevac

Voditeljica: Jasna Kirin

Da je meni drevo biti

*D*a je mene drevo biti,
orej bi bila.
Z velikim granami
tejnu bi delala.

Čuvala bi svoje male prijatele.
Čuvala bi ih od jake suše
i grde oluje.

Svoje korenje bi gliboko pustila,
ne bi se bojala.
Čvrsto bi stala.

Ogromnog srca puščala bi grane
kak ruke razigrane.

Magdalena Blagec

7. razred, OŠ Donja Stubica

Voditeljica: Danica Pelko, prof.

Veter

*F*ijuče,
draplje,
drieva trga,
hižice jafčeju,
copernice copraju,
listje dršče,
kitje puca.

Svieča je vsehla...
Kmica,
črna bogica...

Viktorija Crnić

5. razred, OŠ K. Š. Đalskog, Donja Zelina - PŠ Nespeš
Voditeljica: Diana Brcković

Kvočka

*M*oja je kokoš znesla fanj jajec,
na nje je sela kak trček pravi.
Zdaleka ju gledim jer me je strah,
na gnezdu furt kvoče i hude gledi.

Pitala sem japu, kak duge im treba
da zideju z jajca i kulke bu sedela.
Veli mi japa da tri tedna traje
i da ju pustim nek na miru leži.

To duge traje, nemrem se ščekati
i v sebe si mislim da bar vreme preleti.
Saki den se naluknem jer ima kaj nova,
jer je teri zišel ili zabadav sedi.

Tri tedna su prošla fletne kak veter,
sad čuje se s padnje nešče pišči.
Zišla je z gnezda, ima ih devet,
Po trnacu ih pela i fejst kriči.

Gloria Crnković

7. razred, OŠ Brod Moravice

Voditeljica: Jasna Šepac, prof.

Jesen va mojin kraji

Prišla je jesen
i listje otpada,
se tople, lipe boje
vladajo sada.

Vočke so rodile!
Sa bomo iše mošt delali
i pekmez smo zgotovili.

I puhi so zašli, hrano si traže,
a medo je reko: „Spat mi je draže!“

A ka jesen projde i pride nam zima,
deca so vesela,
a starim
nič
ne štima!

Klara Cvetković

7. razred, OŠ Gornje Vrapče, Zagreb

Voditeljica: Anita Silić Puklin

Moj Vrapčak

Gda bi me z večeri drijem na se zel,
Predi neg' vanjkuš pod glavu denem,
Z megleni očmi Vrapčak poluknem
Pak fletno oblok z ruku zaklenem.

Pradedi još su Vrapčem hodili,
On šumel več je, zvezde prelieval,
Sim žal nek bu kaj niesu tu bili
Poslušat pesme gda je popieval.

Denes se menje glasa on zdigne,
Nota mu čista retko prihaja.
Gda čovek nad njem male se prigne,
Videl bi kaj mu stihe razdvaja.

Zluknjane kante, od farbe črne,
Lupinke jajec, poklem obeda.
Da vrieme stare nazaj se vrne,
Pak da Vrapčak nam pesme povieda!

Ela Cvitković

2. razred, OŠ „Petar Zrinski“, Šenkovec

Voditeljica: Radojka Oreški

Kak sam došla na svet?

*K*ak sam došla na svet,
još mi je ne jasno.

Ozren je v školi rekel
da ga je roda donesla.
A učiteljica, da sam
v maminom trbuhu rasla.

Kak bi me mogla roda donesti?
Kaj more tak veliko jajce znesti?

Mama mi veli da me ona rodila.
A kak?

Ve vam jana bela roda
okoli moje hiže hoda.
Morti išče mesto
de mi bu ostavila sestru.

Tak bum zazvedila
kak sam došla na svet!

Elena Cvrtila

6. razred, OŠ Gornje Jesenje

Voditelj: Mario Hranj, prof.

Moji bregi

*B*regi ljubljeni,
lijepi i megljeni.

V vuletje zeleni,
a v jesen žuti i čerljeni.

Bregi moji, rada vas mam,
v sake jutre, v saki dien.



Petra Čleković

3. razred, OŠ I. Brlić-Mažuranić, Prigorje Brdovečko - PŠ Laduč
Voditeljica: Kristina Posarić

Moji mamek i tatek

*P*o cili dan se mučiju,
vredno dilaju
mamek Nadek i tatek Tomek.

Pomagaju mi zadaču pisati
i sim pak tam
moraju ze sekomb skakutati.

Mamek spravla
doručak, ručak i finu večeru
dok tatek flaksa travu,
farba lesu
il z bakomb pije kavu.

Ja jako volim mameka i tateka,
najviše na cilemu okruglemu svitu.
Volim kad me nekam pelaju,
priče čitaju, internet vključiju
il kušleke daju.

Helena Dolovčak

8. razred, OŠ Antuna Mihanovića, Petrovsko

Voditeljica: Marija Bolšec

Kumavina

*S*adam vur, več ja nuoač.
Pešica dojdám z škole doma.
„Kak sam lačna,“ mislim h sabi.
A za stoualam:
kumavina.

Čujam jahča babica:
„Haj, pamori, deni jesti.
I ta liepa kupica!“
Još na stignam sa napraviti,
Več čujam:
„Joj, pogljaj
kak lijepa šlapa
ma naša kumica!“

Mislim,
ju šlapa mučiju,
a mana glad bu hmoril.

Čujam matar:
„Hadi sadni,
Sigurna si lačna.“
Pa mi h vuha šapča:
„Naj si parva zajti,
buš ispala lakotna.
I njim trebaš sama
fijna kamauda dati.

Hadi sadni,
ali nemoj pravač jejsti,
Naj kumica adnasa
o nam dimoh
sama lijepa viejsti!“

I nikak da sa genaju,
nikak da dimoh prajdaj
Mana već nuoaga baljiju
Ali znaum, spijla bu sa još
dvau, tri gemišta,
ali putna još na bu.

Oko polnoči već si nemaju kaj povedati.
Hmuknula ja pesma.
Putna zadnja zde sa pija.
Moja muka zde prestaja.

Ah, ta kumavina.

Ana Dubovečak

5. razred, OŠ Franje Seta, Bednja

Voditeljica: Emilija Zagrajski-Maligec, prof.

Moti

*N*e zelanem briegu
V dervane hižice
Još sa čouja smieh, ploč...

F sarcu mi estaulo uspomeno
De ja moti ne stuolcu plalo,
A jo sum sa igrolo...
F te hižice sa
Zau ma moučilo...
Hrunilo ma, pepievolo,
F pestelju tirolu.

Zaj do sum vačo
Merem sume rači: "Folo..."
Uono ja rumeni cviet.
Zau ma ja uono
CIELI SVIET!

Patricia Dvorski

8. razred, OŠ „Grigor Vitez“, Sveti Ivan Žabno
Voditelj: Tomislav Hrebak

Ne znam kaj da napišem

*N*e znam kaj da napišem,
sam bezveze nekaj rišem.

Ne znam, možda da brišem,
il još nekaj narišem.

Ne znam jel ovo ima smisla,
reč bu sam na papiru visla.

Ne znam kaj da napišem,
sam bezveze nekaj rišem.

Paula Đurkin

6. razred, OŠ Domašinec, Dekanovec

Voditeljica: Mira Janjanin

Borek spod mojega bloka

*P*od mojim blokom
drevo stoji,
stori borek
tožno gleda.
Snegom pokriti
sveti se ves.
Za iglice male
zebe ga mraz.
V jutro dok se zbudi,
noč ga srebrom okinči.
Srebre se iglice, beli se sneg.
Fest je mrzlo, Božič dohaja.
Moj borek je srečan.
Na zelene mu kitje
deli bumo žaruljice božične.
A on bu svetlo i radost Božiča sima dal.

Leona Falčević

7. razred, II. OŠ Vrbovec

Voditeljica: Vesna Švarc, prof.

Kam to ideju farbe v kmici

*K*am to ideju farbe v kmici?

Morti se dižeju v zrak
il se spuštaju kak mrak.

Pripoveda li uspavanke Mesec Soncu
pa kad farbe odeju, ono spi v kmici
kak malo dete?



Arijan Flegar

2. razred, OŠ Sračinec

Voditeljica: Mirela Briševac

Črleni beciklin

Črleni beciklin pud štiengami stuji
i samu me žaluosnu gledi.
Dežď pu jemu rosi,
ka bi ga ubrisau me prosi.
Pelati bi me odma šteu,
sam da bi si na jega seu.
A mene je tie kompjuter
z beciklinum rastaviu
i v hižu me skriu.

Malu sem si premišlau.
Črlenuga beciklina došlu mi je žau.
Idem ga pu vulici putirati,
su snagu v pedale dati!

Doroteja Franjo

5. razred, OŠ Jakovlje

Voditeljica: Draška Ilovača

Kmica

*V*meni kmica,
žalosni časi,
tak nekaj teške,
i nemre stati.

A vani oblak,
tak kmičen i črn,
da v srcu me steže,
kak kakov trnovi grm.

A veselja,
a pesme,
a smeha,
tega nekaj ni.
Žalosni su časi,
kmica ne spi.

Antonia Golub

6. razred, OŠ Ivana Perkovca, Šenkovec

Voditeljica: Natalija Dujaković

More

More po noči i po danu
valim bilu pinu dila.
Nigdar ne spi, niti se počiva.
Šššššššš
- fort se s nikim spomina!

Z nebeske visine
sunčece ga grije i toplo gleda,
a uno se plavi, zeleni, sviti, blišči.
Decu tera se kupaju
fejst veseli!

Unda naglo od nikud vitar dojde.
Zavija, fučka, fijuče,
kameje kolobiče,
nad vodu slanu
črne oblake dovliče.

More srdito nosi se pred sobum.
Kriči i na sav glas zija
- lipo vrime
da se vrne doziva!

Veliki mrzli vali
sad se na pučini dilaju,
decu van z mora tiraju,
domom brže otpravljaju.

Mrzlo more nikoga ne veseli!

Anamarija Hanžek

8. razred, OŠ Belec

Voditelji: Verica Havoic, Mario Šimudvarac

Črna nuoč

*Sončece se je skrile,
se nekak črne je bile.*

Črna se kmica
najemput zbudila.

Pojavil se mesec
vu grunču zvezdic.
Puslušam ukuoli sebe.

Same sem sebe čula
i mouku svoju
koj si me ustavila.



Laura Hasnek

1. razred, OŠ Ivana Grande, Soblinec - PŠ Adamovec
Voditeljica: Ankica Dmejhal

Kaj nisam fletna deklica?

*K*aj nisam fletna deklica?
Glej kak šara mi je robačica
baka ju je našvavala,
a mama narancala.

Kaj nisam fletna deklica?
Glej kakve kitice imam i na njimi mašnice.
Prala ih je rosica,
plela mi je kumica.

Kaj nisam fletna deklica?
Glej na nogami lepe bele čarapice,
a tek črlene opankice.
Meni nigdar nije zima,
ja sam fletna deklica.

Željka Hazulin

6. razred, OŠ Konjščina

Voditeljica: Mateja Nemčić

Mali miš

Oblak grdi nad našu hižu
Zaklanja pogled malom mišu.
I sklanja i prijeti i kak da se počel drijeti.

Mišek v rupe svoje čepi,
Čeka da se Sunce odluči, gledi.
Se bi – se ne bi pokazale,
Srameče pušča zraku čez sivi oblak prašine.

Glej, ve je i dešč počel cureti.
Joj, malom mišu,
Zgubil je svoju priču.



Sedim na obluku

Hana Hodalić

2. razred, OŠ „Đuro Ester“, Koprivnica

Voditeljica: Maja Sinjeri, dipl. učiteljica razredne nastave

Išla sem v gorice

*I*šla sem v gorice brati jagodice.
Dve vure sem brala
i punu korpicu nabrala.

Dišale su prek brega
se do hiže moga deda.

Več me doma mama išče.
Moram se požuriti,
dosta priče.

Simon Hrvoić

1. razred, OŠ Visoko

Voditeljica: Silvija Šafran

Vesel sem

*M*ene je vu škuole
jake lijepe.
Znam pisati sa slova.
Znam lijepe čitati
i dobre računati.
Znam biti dober
i si me faliju.
Ja sem vesel.

Maja Hudjek

6. razred, OŠ Molve

Voditeljica: Marija Halaček

Rastanek z lastami

*S*ako mi ranje
Z štale vujde.
Kakti strela
Vu nebo krene.

Mrvinje po dvoru
Skuplja i šturče.
Ono z beloga stolnjaka
Pada i pada!

Znam da vu hiži svoji
Male ftiče skriva.
Glej, na fakultet ih je
Vu pšenico odpeljala!

Začas je bo otpravila.
*„...i znamo da leto,
Otišlo je, eto....“*

Skoro kak vu snu.
Zbogom nesem stigla reči.
Samo, zbogom.

Tara Jambrović

5. razred, OŠ Strahoninec

Voditeljica: Ana Horvat, mag. prim. educ.

Reči

*D*a ga ne reči,
ljudi bi bili nemi.
Kak bi se onda sporazumeli?

Reči znajo biti žmefke kak kamen,
špičaste kak igle,
grde kak črčkarija na papero,
ali znajo biti i lepe, mefke,
okrogle kak lopte,
vesele kak deca.

Reči tiskajo dok te nešči špota
ili govori nekaj grdo,
morejo te fpičiti kak komarec
ili vgristi kak kača.
Reči znajo negda žuliti
kak trda postela
i vređati ljude,
a to pak nečemo.

Reči morejo dragati kak mati,
kak sonce dok te mamica zove:
„Sunčeko drago!“
Da nešči reče slatke reči, kak cukor i mađarice,
več jih osetiš v zobaj
tak slatke kaj nebreš zamisliti.
Slatke kak jagode štere su v rosi zrasle,
najbolše su dok nas veselijo.

Viktorija Jandri

4. razred, OŠ Mahično

Voditeljica: Jasmina Štefan

Tak živi moja baka

U hiži staroj živi,
kraj nje mačak njen sivi.
Njega ona rukom gladi
i na svoj oganj pazi.
Rubac na glavi nosi,
fertun pun melje sneme
kad sa susedom se podivanit ide.
Negdar se na lesu nasloni
I svoje koke stalno broji.

Lovro Jantol

6. razred, OŠ Ludbreg

Voditeljica: Nataša Sedlar, prof.

Osmeh

*O*smeh mali
grel je moje srce malo
zimo celo.

Na proleče
rekel bom se
kaj mi na srcu je.

Leto je,
a jo još čkomim.

Morti na jesen se velim!

Jana Juršić

4. razred, OŠ Rugvica

Voditeljica: Sanja Sirovec

Crni pevec

Crni pevec po mojemu dvorišću beži
i pravi se važen pred kokošmi,
z nogami kopa i ruje
da bi svojemi deklami pokazal da tu je.

Z drugemi pevcima i tuči se zna
da bi kokošem pokazal
glete, kak sem jak ja.
I racaka čak je štel tuči,
al se na kraju odlučil povući.

I tak se junačil dok mene ne na glavu skočil,
a tata ga je u vruću vodu onda namočil.

Tu naša pesmica završava,
a juha od pevcica je bila ukusna i zdrava.

Karla Kamenjašević

6. razred, OŠ Josipa Zorića, Dugo Selo

Voditeljica: Darija Sever, prof.

Stari plot

Čez stari plot saki nuter vidi.
Tak je škrbavi.
Ampak sejeno među dela.
Pak se zna zakaj je tu.
A plot kakti plot,
drveni i stari,
paše si k mali hižici na dvoru.



Matija Klemenčič

1. razred, OŠ Gornji Mihaljevec

Voditeljica: Nada Panić

Zojec

Kaj me to z šume glediš?

Kak črna kugla zgledi.

Ima duga vuha
i joko dobroga sluha.

Čim ga poglednem,
več beži!

Očeš ga videti i ti?
Tu je! Za grmom čepi!

Jan Kocet

6. razred, OŠ „Petar Zrinski“, Čabar
Voditeljica: Marina Hrga-Arh, prof.

Pajdaši

Matjoužok, Lukoc,
Matejčok, Dome pa jest,
prava smo kompanija,
kiro se nada v navule vijest.

Skuze kaka ideja pride,
če tude pametna nej,
pohamo se kodu jo bu
narideu prej.

Lukoc sajna da je vilke vouk,
Matjužok nekaj brenči pouk.
Matejčok druge radu špika,
a Dometa na same nagumnosti mika.

Dirjamo, skačemo, zejamo,
šputajo nas zas razreda punce,
ku pa učitelca ješče krivca,
pajdaše so najbule glumce!

Tea Kocman

5. razred, OŠ „Vladimir Nazor“, Budinščina
Voditeljica: Jasmina Čukelj

Sedim na obluku

*O*bluk.

To je moje meste.
Da god ne znam
kam bi od dosade,
sednem na obluk.
Sedim, gledim,
pak skoro i zaspim.
Sunčeke vu me tuče,
grije me i topi.

Dok me nešči resrdi,
na obluku sedim...

Misli su mi sigde,
pak gledim i gledim
i niš pametnoga ne vidim.

Najemput me neke zleca.
Micek na obluk skoči,
gledi vu me i brunda.
Zgleda da je i
njega nešči resrdil.

Ve skupa sedime
i čez obluk gledime.

Dario Kolman

6. razred, OŠ Martijanec

Voditeljica: Spomenka Struški

Igročke

Dajc, Ferguson ili pak morti Zetor
se sam ih kupil na proščeju.
Auti kak Peglica i Fiček
polek traktori bili su nebitni faktor.

Unda mi je tata prvoga kombaja kupil,
zelenoga Dajc Fara z vitlom črlenim.
Dok sem došel v dečji peščanik
Sam čuješ: „Očeš se zamenimo?“

Dok sem videl jenoga Audija
traktorčke sem mom na tavan spravil.
Volvija, Bemveja i Mercedesa ve gledim
i planeram kak bom peneze zašparal
i sebi jednoga kupil.

Ivan Kovačić

4. razred, OŠ Koprivnički Ivanec

Voditelj: Niko Vukić

Moj vrt

V mojem vrtu ima pono sega,
negda i drača je ga.

Paradojz zreli lepo se črleni,
a paprika debela se zeleni.

V draču teške tikve ležiju,
z jenim jokem k soncu glediju.

Vrapci furt na šalatu letiju,
ni strašila se niš ne bojiju.

A krti črni rovlu kak besni,
zgledi da nim je celi vrt tesni.

Franjo Kranjec

6. razred, OŠ Marija Bistrica

Voditeljica: Melita Petriš Banovec, prof.

Cucek

*T*ef je cucek bil kumeren kak nuoč.
Vsi z sela su ga se bojali.
Kad se je on zaletel vu me,
ja sem počel bejžati.
Niesem stal
dok niesem dima došel.
Ali... gda sem pribral kuraža i
stepel z nogu po nakle,
tef je cucek letel
da je trava goriela.
Ja sem se tak smejal ž njega
da me je želoudec bolel.

Nikolina Kreklec

3 razred, OŠ Antuna Mihanovića, Petrovsko - PO Slatina
Voditeljica: Andreja Cigula

Neposlušni ljudi

*P*rav su rekli naši stari
da za pravicu nišče ne mari.
Vsaki ide kam god hoče,
pa i dela vse kaj hoče.
Nišče nikoga nič ne pita,
pa taman da se i celi den same skita.
Do zemle nišče nič ne drži.
Veliju!
Kaj bi to delal to se ne splati.
Rajše si sedi kakti stari kos.
Ne splati se mučiti
to si kupiš za jedan groš.
Ja si tak v glavi gruntam.
Nič ne velim da si ne bi
gdo mislil da ga puntam.
Ipak treba nekaj delati
i starije posluhnuti.

Stella Krupička

4. razred, OŠ Rudolfa Strohala, Lokve

Voditeljica: Marijana Rakas

Jesen

*D*ok medved špiljo išče
pu nebe se dalj i dalj lostavica leti.

Vjeverica pu šume drči,
jež šuška i sakiga plaši.

Ljidi na njive kromper kopojo,
dica jobuke i hruške pubirajo.

Veter nose listje,
a daš poda i poda...

Jesen gre, to se zno.
Evo, na vrotih kuca saj!

Jana Krušelj

2. razred, OŠ Bedekovčina

Voditeljica: Jadranka Krušelj

Kak diši moja mati

Moja mati diši po rožica belim,
diši po sunčeku, po cveteku.

Po vsemu diši.

Diši po toplemu kruheku,
kaj je z peči vun zišel.

Maja mati diši po mene
i po toplemu zagrljaju.



Adam Lušić

5. razred, OŠ Bisag

Voditeljica: Sanja Mamić

Dečec i dekla

*D*ojde dečec k dekle
i sedne si pokrej nje.

Primekne se bliže
i pozove ju tancati.

Tancaju, tancaju,
šlape tereju.
Dek dojdeju dime,
šlape pereju.

Tancaju, tancaju,
glediju se i smejeju.
Dek dojdeju dime
nad pečku se grejeju.

Dečec i dekla kušnuti se ne znaju,
al se sikač fest rad imaju.

Matia Ljubić

6. razred, OŠ Đure Prejca, Desinić

Voditeljica: Vedrana Gudek, mag. edu. hrvatskog jezika i
književnosti i magistra lingvistike

Ben

*M*oj pes je lejp,
jenkrat je skoro ostal slejp.

Hito sam kamen h zrauk,
i najenkrat je samo vida mrauk.

On more na nougam stajati
i ovce nagajati.

Dlaka mu je veljka i bejla,
ko bejla marejla.

Kad ga jas nadraužim.
on tak hitro beži –
ko da leti!

On največ oče pojti f trsje
i z menoj na igralište.

Melani Macan

6. razred, OŠ Side Košutić, Radoboj

Voditeljica: Marijana Ivanković Škrinjar

Stara klet

*V*našem trnacu sto let
stara je klet.
Vsa se poderla od čakanja
dugega na bolji svet.

Sama stoji,
poderta, močēča, bogica,
čaka dedeka da dojde
otpreti škripeča stara vrata.

Dedeka več ni, pajdašov ni,
same je ona ostala tuj
kak spomenek da je negda bile veselja,
smieha, sreče i težačkoga dela.

I tak stoji, dane broji,
sneg ju zabeli, deš namoči,
sunce hvužge,
a ona i dalje stoji
i ničega se ne boji.

Mario Maćešić

1. razred, OŠ Vojnić

Voditeljica: Anica Globan Kovačić

Živo srebro

Nebrete zamisliti
kaj sem vse doživel
v svojih punih sedam i pol let.
Dečec sam koji furt nekaj spelava.
Zdignem se pa hopšem
pa čučim, pa klečim.
I to vse jedno za drugim.

Glediju me i veliju:

– Bormeš, ti si naše živo srebro!

Navek me gladiju po lasima
i sakakve mi nadimke davleju:

Srčeko, Cukorek, Mišek,

Mujcek, Picek...

A najgorše je kad mi veliju: Žabica naša!

Pa kaj sam ja skunjkač, kad sam mali bil?

No, ni onda ne pozabiju povedati
da sem njihovo živo srebro.

Baš sem bokček,

jer ja to nikak ne razmem.

Kad me tak radi imaju

zakaj mi ne veliju:

– Ti si naše živo zlato!

Nika Maltarić

4. razred, OŠ Mursko Središće - PŠ Peklenica

Voditeljica: Lidija Škvorc

Poštar Kvakan

*P*oštar Kvakan po mojemu selu
Pisma nosi,
Negda čak po megli i po rosi.

Saki pot dok me vidi
Mi se nasmeje,
Makar pismo štero nosi
Za mene neje.

V saki vulici
Pesi za jim bežiju,
A mamice dok penziju čekaju
Milo ga glediju.

Manuela Mašić

8. razred, OŠ Vidovec

Voditeljica: Sanja Biškup, prof.

Oblaki letiju, letiju

*B*ieli, paperjasti, črni,
hudi, mali, širuoki, debeli...
Oblaki.

Ukrougli kak babičini buhtli.
Mefki kak mamičini štrukli.

Negda se naguravleju,
lovice i skrivača igraju.

Neki se napuhavleju
i važni dielaju.

Sami sebi su najlepši i
najpametnejši.

Se oko sebe vništiti bi šteli
ka bi sami rumeni i bleščeči postali...

Oblaki.

Negda sam letiju, letiju. ..

Ne znaju kam ideju.

Morti ih veter raznese,
a morti se i do zvezda spriemaju...

Ivona Medimurec

3. razred, OŠ Donja Dubrava

Voditeljica: Marina Horvat

Dežď

Dežď, več si dosaden!!!
Pok bo prešel celji den.
Se je mokro!
Jaj! Jaj!

Sonce, de si ve?
Stiraj dežďa fkraj,
kaj na prešel celji maj!



Nina Nemet

6. razred, OŠ Sv. Martin na Muri

Voditeljica: Anđelka Klemenčič

Deda Tinček

*B*iu je vrejden
Biu je smejšen
Traktora vozjo, zemlo oro
Za vuhaj neka ftekjeno nosjo
Dugo sem nej znola kaj mu to za
Vuhaj stoji
Jempaut su mi rekli
Ka zahrđavila su mu vuha.
Saki den mi je sladoleda kupuvo
Slanine na kruh
Rado si mazo
Z Škodom nas vnuke
Navožo
Na pole je z traktorom i tej den išo
I onda zanavejk odišo
Vrnu se je nigdor nej
i da prejdeš cejli svejt
Neš ga najšo
Jer je na unkraj svejta dišo.

Ivona Obadić

5. razred, OŠ Trnovec

Voditeljica: Božena Bajić

Kaj

*P*rotuletje je.
Se je v cvetju.
Babica peče makovjaču.
Dedek jedva čeka da zide z rola vun.
I ja.
Na obloku ftičeki popevleju.
Poslušam ih.
Po vulici hodiju fajni hlapi.
Gledim ih.
Kam god se obrnem, čujem naš kaj.
Kaj - lepi, najlepši...



Žuati sen

Antonio Petak

6. razred, OŠ Veliko Trgovišće

Voditeljica: Martina Leskovar

Moje Zagorje

*P*od sunčekom zlatnim
zeleni se bregi dižeju.
Tam gore huste stojiju,
ftičice popevaju i lisice bežiju.
Male niže rožice cveteju
i v trsju grozdeki rodiju.
Tu su i kletice male
kam saki rada zajde i gemišteka si spije.
Hižice male, drvene i ciglene
rashitane su po selu.
Puteki vuski i vijugavi
kak zmije gmižeju
i ljude spajaju.
Na njiva koruza i šenica raste,
traktori brenčiju i motike tučeju.
A pod vrbom kraj potoka
težaki hlad iščeju.
Tak vam je vu mojemu kraju,
vu mojemu malomu Zagorju
kerega vsaki rad ima.

Petra Petrunić

4. razred, OŠ Barilović - PŠ Leskovac Barilovički

Voditeljica: Lidiya Gojak Pavlić, dipl. uč. razredne nastave

Obed

*J*edan dan mama je kuvala obed.
I stavla je pažulj.
Kak je taj obed bil fin!
Tela bi ga jist
Opet i opet.

Drugi dan mama je delala paštašutu
Koja baš i ni bila fina zato kaj je metla puno papra.
Morala sam celi dan pit vodu zato
kaj mi je celi jezik pocrvenil.

Došal je i petak zanovjetak kako ga mi zovemo.
Taj dan je moja baba zanovitala
Zato kaj sam se igrala a igračke nisam pospremala.
Rekla je da će sve bact u smeće.
Taj dan ni bilo obeda!

Ana Pintarić

7. razred, OŠ "Vladimir Nazor", Sveti Ilija

Voditeljica: Maja Priher, učiteljica hrvatskoga jezika

Nebo

*M*efki vajnkuš.

Plavo more.

Vedre oči.

Zemlu pokriva

žoto sreću seje,

a negda žalost

zi sozama leje.

Z vetrom preti

v kmici

z lapicama sveti.

V jemu se nekaj skriva,

nekaj sveto,

nekaj božje,

nekaj kaj nemrejo videti

ljudske oči.

V jemo nebeske duše

počivaju.

Vanja Poslon

2. razred, OŠ „Ljudevit Gaj“ Krapina

Voditeljica: Vesna Presečki

Popoldan

*P*opoldan je.
Ptičeki spiju,
a sunčekó jih gledí.
Črvek se bojí
jer ptiček okoli njega zdej letí.
Deca božjem voleku piknice brojíju,
a cvrčki v zelenoj travi veselo cvrčíju.

Petra Požgaj

3. razred, OŠ Gola - PŠ Otočka

Voditeljica: Sanja Solić, učiteljica razredne nastave

Zima

*Z*ima i sneg zazdeneli so mi lice,
vuha mi zdene led i iglice.
Zdeno mi v joku od sega leda,
samo mi mala travka na pramalet zgleda.

Maja Profeta

6. razred, OŠ Sveti Križ Začretje

Voditeljica: Monika Šalec

Priroda

*S*triele pucaju.

Veter puše.

Oblaki sivi.

Vane dešč.

Gledim čez okne,
cesta je rieka postala.

Vrabec se skril
pod veljiki list vrbe.

Rože se plačuju,
ostale su bez latic!

Magnolije popadale
krasiju travu
gli kak zvezdice.

I slak se omotal okoli nevena
kak najboljši pajdaš.

Z brajde opadaju veljike suze.

Oprani su zaslajeni grozdi.

Šarene lišče obojile
je krove,
ogoljile krošnje.

Jakov Salajpal

1. razred, OŠ „Antun Nemčić Gostovski“, Koprivnica
Voditeljica: Đurđica Pošta

Kmica

*K*mica se vleče, Drava teče.

A ja sem strašljivec i kmice se bojim.

Čim nešče šušne, ja se skrčim i mam bežim japi.

Sav vu strahu!



Monika Sekovanić

5. razred, OŠ Breznički Hum

Voditeljica: Vesna Pucak

Nešče bu došel

*L*ieni maček šapu liže
na soncu, na trave, tu krej hiže.
Nešče bu došel – tak se veli,
čakam, čakam – pak nikoga ni.

Stara lisica se zbudila
vode se z poteka baš napila.
Jaglaci cveteju, visibaba visi ...
Proleče, kaj to ti si?

Veter z mladu granu maše,
male cvili, ali je paše...
Proleče, kaj to ti si?
Došle si fljetne, ni pokucal niesi.

Kaj je – tu je, nemrem več spati
zemljice treba semena dati
i vodice z neba
onda bode zdravlja i veselja.

Marija Elena Senjan

3. razred, OŠ Molve - PŠ Medvedička

Voditeljica: Ivana Kolar

Kej se doma dela

*D*oma se dela?
Doma se dela čudo.
Nekoji imajo i farmo.

Farmo imajo susedi Molnari i mi.
To se zove poloprivredstvo.
Rani se i doji se.

Dok nešče prelazi potem
Mam se gleda što je.
Deca zilaze vun i igrajo se.

V proletne i sončane dene
Si se pitajo: kej se dela?

V selu se sadi, orje i bere,
a dok dojde noč
ide se jest, prat i spat!

Ivana Siročić

6. razred, OŠ I. K. Sakcinskog, Ivanec - PŠ Tina Ujevića, Salinovec
Voditeljica: Valentina Posavec Kovač

Jesenjska igrača

*S*once se z deždem skrivača zaigralo,
za bregem se skrilo
i dece ferje rastiralo,
a dežđ ga je ciele dneve
po selu iskalo.

V igraču se veter vmiešal,
fličice po svietu rastiral,
z deždem se zaigral
i sonce za bregem poiskal.

Sonce se vernole,
poružilo po obloku škuole,
vjutre zaron mene je zbudilo,
i v škuolu potiralo,
a ja v škuolu još nečem iti,
Zagerje me, pemori mi se skriti!

Katja Skušić

4. razred, OŠ Oroslavje

Voditeljica: Vesna Grabušić

Mesec

*S*aku večer
kraj hiže mi stoji
saku večer
čez oblok me gleda.

Saku večer
laku noč mi poželi
saku večer
v najlepše sne me sprati.

Pak mi obeča
če ga oblak nebu skril
on bu i zutra
čez okne mi posvietlil.

Celu bu noč
na mojem obloku stal
i sake male
mile me pogledal.

A gda se bu vjutre
sončkeke za bregom digle
i pumalu k mojem obloku stikle
mesec bu vušel
jer i on mora znati:
jutre je,
pucka se mora h školu stati.

Anja Slavinić

5. razred, OŠ "Braća Radić", Koprivnica

Voditelj: Slađan Mustać

Drovski čon

Na našoj Drovi, mrzloj i ledenoj,
skriti pod tožnom vrbom
meni predragi čonek leži.
Nemre nikam oditi,
svojim ga ledom Drova drži
i zgledi kak mali splošeni zojček v snegu.
Tu i tam si kakvi drobni ftiček
doleti na njega nogice zgreti.
A dok dojde sonce po leti,
kak da svoje oči otpre
i sončekove zrake vupija.
Ribice se pod njega skrivlju
kaj malo hlada dobiju.
Malo je zrabljen ipak je dal svoje,
več ni farbe na njemu baš ni.
Zgledi kak da več ni za ništ,
al' moj ga deda sejedno rad ima.
Dok na ribičijo ide,
z njega mekne suhe grane i spuhne listje,
k sebi ga privleče kaj v njega zakoroči.
Čon mam do pol vtone v Dravo,
vodu ne propušča i dobro se drži.
Deda si rad na njega ribički prut naslanja.
Z glave zeme škrlaka i na čon ga dene,
z ruksaka zvleče flašičko
i gemišteka si jenoga natoči.
Uživaju skupa i deda i čon.

Na udico ništ ne grize
pa deda prime njegva stara vesla
i čon zaškriple kak da ga kaj boli.
Po vodi se vleče pomali, z mesta na mesto.
Najempot, vetrek zapuhne,
a deda se v čonu zazible,
fletno z Drove mora dimo iti.
Nazaj ga deda na isto mesto privleče,
z debelšom dretom ga za vrbo priveže,
svojom ga rukom potapše
i tiho mu veli:
„Denes nesmo ništ prijeli,
al' ti zutra morti pak dojdem.“
Ak si malo bole premislim,
je čon nekaj baš kak i moj deda,
malo strošen i stori,
al' ima još puno toga za dati.

Mia Šalja

2. razred, OŠ „Petar Zrinski“, Šenkovec - PŠ Mačkovec
Voditeljica: Senka Saško

Prabaka Rozika

Imam prabako,
zove se Rozika.
Stora je, v devedeseti leti.
No, dobro se drži.
Po dvorišče se špancara
z kohojskom,
ali se more prignoti
i spuknoti sako trovko.

Z menom se igra „Čovječe, ne ljuti se.“
Dok zgubi, nikaj se ne srdi.

Rozika me zove k sebi:
Mia, hodi malo sem!
Unda mi do čokolodo
ili pak mi stisne pedesetačo v roko.

Sako leto za rođendan
Rozika reče: „To mi je zодji“,
a leto se tak fletno brne.

Štele bi kaj bi moja prabaka
živela bor do sto let!!!
(daj joj drogi Božek)!!!

Klara Šarlog

3. razred, OŠ Antuna Mihanovića, Klanjec

Voditeljica: Barbara Bogović

Moj brieg

*S*akega dneva z brega na brieg bežim.

Z mojega brega vidim baš vsega
i liepega i grdega.

Sakega dneva gledim
kak na lepem mestu živim.

Z mojega brega sikam
steza me pela.

Po kojoj god stezi zutra bum prešla
navek se bum na svoj brieg vrnula.

Denes z brega na brieg bežim,
a zutra buju me pitali vsi
zakaj tak polehke hodim?

Zate jer ja bum slabija,
a breg bu se vekši.

Isabela Turk

7. razred, OŠ „Petar Zrinski“, Čabar - PŠ Tršće
Voditeljica: Ingrid Žorž, prof.

Dež

Naankret čeren uobuak
nad mejsten se nadvije.
Zagrmí, zablišče,
pa z neba dež se vlije.

Vejter zpiha,
listje uobrača,
od djeleč pa jeka
od groma se vrača.

Kok je oubuak hitru paršu,
tak na hitru je i odešu,

Za sabo pa pustu
sve opranu i dešiču.

Pasvejtuo je sunce
oževejle so rušce...

Na nebe je duga
svaje boje rezliua,
med neben i zjemlo
friške se vadi
z gorskega potoka
napiua.

Maria Uršić

7. razred, OŠ Ivana Gorana Kovačiča, Delnice

Voditeljica: Božica Pleše, prof.

Tan kej...

*T*an kej se brigi zs oblökeme spominajo,
Tan kej jelene zeleno trövo posejo,
Tan kej se device marije belijo,
Tan kej stözice čez šumo bežijo,
Tan kej se veje pod snejgam svijajo,
Tan kej se tice vütra rosi napijejo,
Tan kej vouke jaku zavijajo,
jostrebe gnejzda svijajo,
Tan kej šume jaku šumiju,
Dejonce maje spijo!

Ana Vergot

6. razred, OŠ „Slava Raškaj“, Ozalj

Voditeljica: Karla Lenuzzi Jakšić

Saki dan ja van izajdem

*S*aki dan ja van izajdem,
Da se s Nikom najdem,
da bi se družile,
malo popevale
i lepo se zabavile

Saki dan ja van izajdem,
da si svoga cucka najdem,
da se prejdem s njim po selu,
da vidim pri kakvem su ljudi delu

Saki dan ja van izajdem,
Da se s toplim suncem najdem,
Da vidim dal greje vrt i gredice,
Ki rastu moje jagodice

Saki dan ja van izajdem,
da se s plavim nebom najdem,
da se skupa ogledamo po kraju,
po mom lepom zavičaju

Martina Vidoš

8. razred, OŠ „Stjepan Radić“, Božjakovina
Voditeljica: Biserka Fruk

V zrcalu vidim...

V zrcalu vidim jenu
Lepu dekle koja se beči
Radi svojega kavalira.
Je, ostavil ju je.
V bistremu zrcalu vidim
Moje sretne susede
Kak uživaju v svojem vrtu.
V mutnem zrcalu vidim
Rojžicu, kak se bogica
Posušila jer ju zalevali nesu.
V zrcalu vidim sebe,
Kak sem tužna
Jer me nišče ne voli.
V zrcalu vidim
Moju ljutu babicu kak se
Svadi s dedekom.
V zrcalu vidim
I sreču i tugu,
I najrajše bi ga okrenula
Na drugu stranu.

Mia Vranješ

3. razred, OŠ Dragutina Tadijanovića, Zagreb

Voditeljica: Tatjana Kukić

Bicikl

Jurii!

Juri kak zmaj
moj ljubičasti biciklin.
Za sobom veter diže
i se mi je odjempu bliže.
Z njim i trikove delam
sakam se na njemu peljam.
Ni on ne voli gda kiša curi,
na balkonu se same duri
od žalosti kak da se stisnul
ni gledeti me neće
moj zmaj biciklin.

Patrik Vrban

4. razred, OŠ Ksavera Šandora Đalskog, Donja Zelina
Voditeljica: Višnjica Dananić

Pred hižu

*P*red hižu sedim, v šumu gledim,
počivam si stiha i same čkomim.

Vidim tiče kukmaste kak vesele popevleju,
i liene mačke kak pospane zievleju.

Vidim i sounce tere za šumu zahaja
i maloga junca kak se z vodu napaja.

I da vse to z menu ostane, da ne zabim,
brže v rouku nagriženu olovku grabim.

Odlučil sem da pesmu ovu napišem,
a morti i dišeče kostajne narišem.

Laura Vukešin

6. razred, OŠ Petrijanec

Voditeljica: Željka Rabuzin, dipl. učiteljica

Žuati sen

*Ž*uati cvijet,
žuatu drijevu,
žuati zajec beži.

Na livadi raste spuantanu
tie cvijet.
Na vetru šuaštavu kruašju njiše
tuo drijevu.
A zajec - jenga više nie.

Sejam...
muoj žuati cvijet,
žuatae kitice sud uku mene,
muoje žuato drijavu i
žuatae brege još v snu.
Sejam cielu žuatu prirodu...

Zbudim se z soncem v oku i
žuati je muoj cieli sviet!

Dino Zajec

1. razred, OŠ „Slava Raškaj“ Ozalj - PŠ Mali Erjavec
Voditeljica: Nada Peretić

Kaj si delal va školi?

*Š*čera je bila srida.
Baba me pitala:
„Kaj si delal va školi?“
Ja sam rekel
da smo tancali.

Danas je četrtak.
Deda me pita:
„Kaj si delal va školi?“
Ja mu rečem
da smo popivali.

Saki dan – isto pitanje,
Saki dan – novo znanje.

Zita Zamuda

2. razred, OŠ Tomaša Goričanca, Mala Subotica
Voditeljica: Slavica Švec

Pitala sam mamo

*Z*akaj čmela stolno
baš koli mene leti
i na miru me ne pusti?

Zakaj me naša stora soseda
čez blok pok gledi?
Nek si rajši počine
i malo popolne prespi.

Zakaj pes nema mira
i po grunto fletno beži?
Zakaj si repa oče vgristi dok se
koli sebe vrti?

Zakaj svojo sestro
stolno zafrkovlem?
I zakaj mi si velido
da malo preveč spitovlem?

Pitala sam mamo:
Zakaj?
Mama mi je rekla:
Zoto!
Zoto, moje dosadno zloto.

Nina Zbašnik

4. razred, OŠ „Petar Zrinski“, Čabar - PŠ Plešće

Voditeljica: Katarina Leš, dipl. učiteljica razredne nastave

Kmale bu zima

*D*ane so kratke
noči so douge
lastavice gredo na jug
djeleč, djeleč
doug čaka ih put.

Dož pada
kmale bu mraz
i zima bu kmale
paršva do nas.

Huodna bu zima
snejga se pounu,
a do gorkega prolječa
še jaku bu dougu.

Sara Zvonar

8. razred, OŠ Sveta Marija

Voditeljica: Marta Stella

Kockavica

*D*ok vu Fojsak krenem
fotiča vu roke zemem.
Bez njega nejdem nikam,
a zbog kockavice idem sikam.
I vu grmlje i koprive
i okrenula bi se žive.
Vredneša je od zlata
i otpira nam sa vrata.
Vu aprilu i maju
najljepša je vu kraju.
Drugo ime joj je fijolsko joko
i saki k njoj rivlje roko.
Zaštićena je i ljepotica prova,
a kraj nje stoji fijolica plova.

Martina Žugec

5. razred, OŠ Ljubeščica

Voditeljica: Sanja Horžić

V duši mi rožica

V duši mi rožica
lepa kak leptir
kaj leti po vedremu nebu.

V duši mi rožica
nežna kak mala mačkica
kaj se igra z mamicu na ledine.

V duši mi rožica
drajša ot najvekše sreče.
V duše mi rožica,
dedekova dušica.

Kazalo autora likovnih priloga u zbirci*

str.	Autor/autorica ilustracije, razred, škola, mentor
3.	Semy Kuserbanj, 6. razred, OŠ A. K. Miošića, Donja Voća mentor: Danko Merin, prof.
11.	Stella Gotić, 8. razred, OŠ Ljubešćica mentorica: Ivanka Hodja Kukovačec
16.	Ema Nikić, 3. razred, OŠ D. Domjanića; Sv. Ivan Zelina mentorica: Vesna Bego
26.	Anastasia Tomiek, 6. razred, OŠ Ljubešćica mentorica: Ivanka Hodja Kukovačec
33.	Barbara Dužaić, 7. razred, OŠ K.Š.Đalskog, Donja Zelina mentor: Jasenko Dominović, prof.
37.	Jakov Salajpal, 2. razred, OŠ A. N. Gostovinski, Koprivnica mentorica: Đurđica Pošta
41.	Tihana Ričko, 3. razred, OŠ "Vladimir Nazor", Budinščina mentorica: Monika Ban
50.	Anja Biščanić, 3. razred, OŠ Mahično mentorica: Katarina Kranjčec
59.	Jana Krušelj, 3. razred, OŠ Bedekovčina mentorica: Jadranka Krušelj
66.	Antonija Kovač, 6. razred, OŠ Petar Zrinski, Čabar mentorica: Lovorka Gračanin Knežević
70.	Laura Vukešin, 6. razred, OŠ Petrijanec mentorica: Željka Rabuzin, dipl. učiteljica
77.	Petra Franjo, 7. razred, OŠ Jakovlje mentorica: Ivana Mikić, prof.

** Zbirka je ilustrirana cjelovitim radovima i fragmentima
učeničkih radova škola sudionica natječaja Smotre*

Osnovne škole koje su sudjelovale na natječaju*

1. I. osnovna škola Vrbovec - PŠ Preseka
 2. II. osnovna škola Vrbovec
 3. Katolička osnovna škola Svete Uršule, Varaždin
 4. OŠ Andrije Palmovića, Rasinja
 5. OŠ "Antun Nemčić Gostovinski", Koprivnica
 6. OŠ Antuna i Ivana Kukuljevića
 7. OŠ Antuna Mihanovića, Klanjec
 8. OŠ Antuna Mihanovića, Petrovsko
 9. OŠ Antuna Mihanovića, Petrovsko - PO Slatina
 10. OŠ Barilović - PŠ Leskovac Barilovički
 11. OŠ Bedekovčina
 12. OŠ Belec
 13. OŠ Bisag
 14. OŠ "Braća Radić", Koprivnica
 15. OŠ Breznički Hum
 16. OŠ Brod Moravice
 17. OŠ Domašinec, Dekanovec
 18. OŠ Donja Dubrava
 19. OŠ Donja Stubica
 20. OŠ Draganići
 21. OŠ Dragutina Domjanića, Sv. Ivan Zelina
 22. OŠ Dragutina Domjanića, Sv. Ivan Zelina - PŠ Prepolno
 23. OŠ Dragutina Tadijanovića, Zagreb
 24. OŠ Đure Prejca, Desinić
 25. OŠ "Đuro Ester", Koprivnica
 26. OŠ Franje Serta, Bednja
 27. OŠ Gola - PŠ Otočka
-

28.	OŠ Gornje Jesenje
29.	OŠ Gornje Vrapče, Zagreb
30.	OŠ Gornji Mihaljevec
31.	OŠ "Grigor Vitez", Sveti Ivan Žabno
32.	OŠ Hodošan
33.	OŠ I. Brlić-Mažuranić, Prigorje Brdovečko - PŠ Laduč
34.	OŠ I.K.Sakcinskog, Ivanec - PŠ Tina Ujevića, Salinovec
35.	OŠ Ivana Gorana Kovačića, Delnice
36.	OŠ Ivana Grande, Soblinec - PŠ Adamovec
37.	OŠ Ivana Perkovca, Šenkovec
38.	OŠ Jakovlje
39.	OŠ Josipa Zorića, Dugo Selo
40.	OŠ Kneginec Gornji, Turčin
41.	OŠ Konjščina
42.	OŠ Koprivnički Ivanec, Koprivnica
43.	OŠ Ksavera Šandora Đalskog, Donja Zelina
44.	OŠ Ksavera Šandora Đalskog, Donja Zelina - PŠ Nespeš
45.	OŠ Ludbreg
46.	OŠ Ljubeščica
47.	OŠ "Ljudevit Gaj", Krapina
48.	OŠ Ljudevita Modeca, Križevci
49.	OŠ Mače
50.	OŠ Mahično
51.	OŠ Marija Bistrica
52.	OŠ Martijanec
53.	OŠ Molve
54.	OŠ Molve - PŠ Medvedička
55.	OŠ Mursko Središće - PŠ Peklenica

-
- | | |
|-----|--|
| 56. | OŠ Novi Marof |
| 57. | OŠ Novi Marof - PŠ Mađarevo |
| 58. | OŠ Oroslavje |
| 59. | OŠ "Pavao Belas", Brdovec |
| 60. | OŠ "Petar Zrinski", Čabar |
| 61. | OŠ "Petar Zrinski", Čabar - PŠ Gerovo |
| 62. | OŠ "Petar Zrinski", Čabar - PŠ Plešće |
| 63. | OŠ "Petar Zrinski", Čabar - PŠ Tršće |
| 64. | OŠ "Petar Zrinski", Šenkovec |
| 65. | OŠ "Petar Zrinski", Šenkovec - PŠ Mačkovec |
| 66. | OŠ Petra Preradovića, Pitomača |
| 67. | OŠ Petrijanec |
| 68. | OŠ Podturen |
| 69. | OŠ Pokupsko |
| 70. | OŠ Rudolfa Strohala, Lokve |
| 71. | OŠ Rugvica |
| 72. | OŠ Side Košutić, Radoboj |
| 73. | OŠ "Slava Raškaj", Ozalj |
| 74. | OŠ "Slava Raškaj", Ozalj - PŠ Mali Erjavec |
| 75. | OŠ Sračinec |
| 76. | OŠ Sračinec - PŠ Svibovec Podravski |
| 77. | OŠ "Stjepan Radić", Božjakovina |
| 78. | OŠ Strahoninec |
| 79. | OŠ Sv. Martin na Muri |
| 80. | OŠ Sveta Marija |
| 81. | OŠ Sveti Križ Začretje |
| 82. | OŠ Šemovec, Trnovec Bartolovečki |
| 83. | OŠ Tomaša Goričanca, Mala Subotica |
-

84.	OŠ Trnovec
85.	OŠ Velika Mlaka - PŠ Mičevac
86.	OŠ Veliko Trgovišće
87.	OŠ Vidovec
88.	OŠ Visoko
89.	OŠ "Vladimir Bosnar", Stubičke Toplice
90.	OŠ "Vladimir Nazor", Budinščina
91.	OŠ "Vladimir Nazor", Sveti Ilija
92.	OŠ Vojnić

** Škole su poredane abecednim slijedom.*

Područne škole sudjeluju na Smotri samostalno - neovisno o matičnoj školi.



